



100





B

DISCOVRS
FAIT A LA ROY-
NE MEREDV ROY,

PAR VN SIEN FIDELLE

subiet pour le bien de la Paix
de ce Rôyaume auât qu'el-
le partist pour aller la trai-
cter avecle Roy de
Nauarre.



1586

M. D. LXXXVI.

X

Case

1000

.39

326

15862



DISCOVRS FAIT A LA
 ROYNE MERE DV ROY,
 par vn sien fidelle suiect pour
 le bien de la Paix de ce Roy-
 aume auant qu'elle partist
 pour aller la traicter avec
 le Roy de Nauarre.

IL est certain que tes guerres ciuiles pro-
 cedent de l'ire de Dieu, sur ce Royaume,
 pour l'impieré, l'iniustice, & la dissolu-
 tion qui y regnent: y estans si effrenez en
 toutes choses, qu'au lieu de correction, tout y va
 de mal en pis: Cause que Dieu par son iuste iuge-
 ment le visite d'une telle persecution.

Il est impossible par la guerre ciuille, qui n'a au-
 tres progres en soy que tous blasphemes, paillardis-
 ses, violence du droit des gens, de femmes, filles,
 massacres, meurtres, larcins, sacrileges, assassinats,
 inuasions, pilleries, & autres cruauté, (comme de
 toutes parts on l'experimente depuis vingt cinq
 ans en çà) de paruenir à la restauration, reforma-
 tion, & manutention de l'Eglise, & pure religion
 Chrestienne & Catholique, ny de guerir les con-

sciences blessée d'erreur, sans y appliquer les medicamens necessaires.

Si l'on considere bien la Nature de la guerre ciuile, l'on trouuera en effet, par toutes ses circonstances, qu'elle est mere & nourrice de tout mal, & que d'icelle ne peut aduenir bien quelconque au publicq, ny au particulier. Car encoré qu'elle releue aucuns en quelque faculté. Ce ne peut estre qu'aux despens & ruine d'autrui, & puis tous biens acquis de ceste façon s'en vont communément en fumée. Les Histoires anciennes & moderues font assez cognoistre ce que on en doit croire & qu'en fin toute guerre ciuile renuerse ce qu'elle embrasse, s'elle n'est preuenue & opposée par quelques doulces & pacifiques loix, selon l'occurrence & necessité du temps. Ainsi la paix est celle que par raisons diuines humaines & naturelles l'on doit cherir & heureusement rechercher, comme mere & nourrice de tous biens spirituels & temporels. Et de laquelle seule l'on se peut aider a reformer vn débordemēt populaire & remettre les tumultueux en leur ordre.

Que toutes les Prouinces villes, cités, & communautés & tous les subiects de ceste couronne de quelque qualité qu'ils soyent (sans s'arrester aux seditieuses predications d'aucuns predicans de l'vne & de l'autre Religion qui n'ont contre tout deuoir que le feu & le glaue en la bouche) se resfigurent sur le subiect tout ce qui se doit resfigurer & imaginer. Singulieremēt ce qu'ils pourront deuenir, si par ceste maudite guerre le Roy tombe en

ruine, son Royaume en diuision dissipation & en proye. Comme bien apparemment il en est à la vieille, au moyen de ces nouuelles emotions, où le fait d'estat est meslé avec celui de la Religion. Et apres y auoir bien considéré & pensé ils cognoistront, sans doute leur totale perte & subuersion estre iointe à celle de sa maiesté, & que sans son auctorité & puissance Royale, chef de ceste grande Monarchie de laquelle ils ne sont que membres. Nul d'eux ne scauroit non seulement se maintenir, mais aussi dire propriétaire de la moindre chose du monde, ny asseuré en sa propre maison. Car le chef estant malade, les membres s'en sentent & demeurent sans force ny vigueur. Et comme ces mots tien ou mien sont en campagne, il faut finablement que le fort rauisse au foible ce qu'il a, ce que ayant fait, il s'assure tyranniquement de son rauissement & butin : moyennant quelque participation à ses adherans. Et puis compose & establit son naturel estat, sous telles quelles nouuelles loix que bon luy semble, sans autre considération, que de la commodité, & du temps que engendre les loix. De la consequemment pourront disputer la merueilleuse & grande difference qu'il y a entre la douce & bien reiglée domination d'un grand & tres-chretien Monarque, tel que Dieu & la Nature le nous ont donné, sous tant de belles loix & reigles, des long temps approuuées & receues en v'lage, à la manutention du droit, & de toutes les familles de son obeissance, & celles de diuers tirans ou d'usurpateurs d'estat, que en telle saison qui se voit, se

pourroyent esleuer en ce Royaume, pour la dissipation & diuision d'iceluy, à l'exemple mesme de ce qu'on a fait en Italie par la diuision & dissipation de l'Empire, au temps des guerres ciuilles des Guelphes & Sibelins, ou les Princes vsurpateurs de Prouinces imperialles, viuent par le combat de leurs propres consciences. En tant de soupçon & deffiance de leurs propres subiets, que toutes leurs actions en demeurent farcies de tragedies, cruauttez & tyrannies, sans obseruation de Foy ny de Loy, que tout autant que leur vtilité & assurance le requierent.

Y a il prelat Ecclesiastique, Gentilhomme, Magistrat, bourgeois, marchant, ny autre de quelque qualité qu'il soit ayant quelque faculté en ce Royaume, qui ne doibue trembler, de peur de perdre non seulement ses biens & facultez, mais aussi sa propre vie: voyant l'auctorité royalle se debilitter par la corruption des loix diuines & humaines, la couronne se diuiser ou dissiper, & consequemment la iustice cesser. Auecques desptauée & insupportable licence à tous desseings entreprises exploits & cruauttez, par le moyen de ceste guerre. Quelque pretexte qu'on puisse auoir en la poursuite d'icelle, est-ce en effet aucune chose qu'inuasion d'estat, & du bien d'autruy? Ainsi que par trop le tesmoignent les iournalieres ruines d'infinies illustres familles & aucunes reduites à l'aumosne & la plupart soubz le iouc de la peste & famine en tous les quantons de ce Royaume. Ne voit on pas vsurper les villes, Chasteaux & Fortereffes de sa Maiefté

sans respect ny crainte ? A plus forte raison se doit croire que telles entreprises seront quadruples sur les particuliers, & qu'où le droit de Nature & du Magistrat est vne fois violé, la conséquence dispense toute aucune violence sur violence, & action du fort sur le foible par le droit des armes.

Que pourront faire ceux qui ont des biens & facultez espendus en diuerses Prouinces de ce Royaume, s'elles viennent en diuision de la couronne, & subtraction de l'obeissance & des loix d'icelle, sinon gémir leur malheur & leur perte, & les aucuns en bon nombre la faueur qu'ils auront apportée en telle diuision. Car indubitablement ceux qui vsurperont les Prouinces, si ceste malediction de guerre nous acheue de conduire iusques là, ne faudront de s'emparer de tout ce qui appartiendra à ceux qui seront en aucunes Prouinces leurs contraires: soit pour se l'approprier en domaine, ou pour en faire recompense à ceux qui les secourront & assisteront, de maniere que tels qui pensent auoir dix, vingt, trente mille escus de rente bien asseurées sous la Monarchie & les loix de la couronne, tant qu'elle sera en son entier, se trouueront despouillez auant que de se coucher, & reduits à quelque peu de reste qu'ils pourront auoir sous la puissance de celuy où ils feront leur residence, sans esperance de recompense ou de reprefaille. Car cestuy là comme vsurpateur, pensera premierement à luy, & a ses seruiteurs & fauoris plus qu'à nuls autres. Ainsi tous bons iuiects de ceste couronne preferant la manutention d'icelle

en son entier, & leur conseruation en leurs facultez sous nos anciennes loix & constitutions, doiuent diligemment s'opposer à toutes ces diuisions & vsurpations, & assister sa Maiesté de tous moyés possibles pour rabattre & aneantir tous desseings & monopolles tendans à si pernicious effects, s'asseurans quoy que dient les predicans, que c'est à l'estat que à ce coup ou l'attaque, & non à la Religion qui ne sert que de voile & pretexte pour entrer à l'autre effet.

Et puis si ceste malheureuse guerre va en auant, combien y aura il de seruiteurs & seruantes, qui par auarice & contre tout deuoir, se lairront aller & pratiquer à tenir la main de couper la gorge à leur maistre, piller & saccager leurs maisons & cheuances, violer leurs femmes & filles, comme desia en diuers lieux, ceste meschanceté à tel progrès & pratique, que plusieurs en sont morts & exillez de leurs biens & en ont diuorce avec leurs familles.

Que ces predicans seditieux de part & d'autre, refrenent sur ces considerations, & avec la raison, leurs seditieuses predications, & qu'au contraire prechans sincerement, & sans passion desordonnée confessent avecques la verité, qu'on ne peut auoir ny esperer aucune bonne erudition ny doctrine interieurement exterieurement ny en effet d'une guerre ciuille: & qu'onques la parole de Dieu ne fut plantée ny soustenue à coups d'espée. Mais par la pure explication & administation d'icelle, en paix & iustice, qui sont les seules coulônes de la pieté des Monarchies & de tous bons ordres.

Depuis

Depuis si long temps que ce Royaume est affligé de ces calamitez de guerre ciuille, quoy qu'on ait fait par les armes, a il esté aduancé aucune chose que ruine sur ruine? Tant par le saccagement des villes & campagnes, que par la perte de pl^s de huit cens mil hommes de part & d'autre, de coups de main, & au hazard mesmes de la personne du Roy, en batailles rangées. Cela bien considéré avec les doubles forces que on auoit au temps que sa Maiesté, & ses suiects estoient encores plains de cheuance & commoditez, au regard de celles qui restent, l'on trouuera (parlant humainement) qu'il ny a raison ny apparence, de se persuader que on puisse maintenant plus auancer qu'alors. Quand il ne seroit question que d'extirper ceux de la pretendue Religion, cōme l'on propose le vouloir faire. Car ils sont mieux cantonnez & fortifiez qu'ils ne furent oncques, ayans pour le moins vn tiers de ce Royaume en leur pouuoir tout en vn continent, en pays la pluspart montagneux & de tresdifficile, & où ils tiennent plus de trois cens villes ou places closes, outre les Chasteaux & Forteresses des Seigneurs & Gentilshommes de leur party: Dont il s'en peut nommer & distinguer en diuerses provinces, comme sont Poitou, Xaintonge, Limosin, Quercy. A geneuois, Gascongne, Foix, Cuminge, Rouargne, Languedoc, Daulphiné, Prouence plus de quatre vingts, lesquelles par leurs siettes ou par artifices sont hors de batterie, ou si fortes que la moindre d'icelles attendre a l'effort d'une armee aussi bien que pourroit faire saint Jean d'Angeli.

Ceste guerre ciuille est d'ailleurs si pernicieuse que tant plus le Roy y mer, plus li y pert, soit d'homes ou de cheuance: car comme il se voit les defenfeurs se deffendent en desesperées. Tellement qu'on ne les peut sortir d'une place pour si chetive que qu'elle soit qu'a composition, les laissans retirer en vne autre, apres la perte d'infinis braues & vail-lans hommes, & la totalle ruine du peuple, & des Prouinces ou les armées seiournent & passent: où ne laissans du tout rien, la Maiesté pert son droit, & en ce faisant elle se voit d'autre part desmembrer de ses forces par la reciproque perte de ses subiers, qui se deueroient precieusement conseruer pour la manutention & deffense de sa couronne, contre les autres Rois & Princes ses voisins auteurs du diuorfe des François.

De penser pouuoir bien reigler vne armée en guerre ciuille, il est du tout impossible a cause des diuersions, accidens iournaliers, & dispersions de ses forces suruenans d'heure à autre pour chose non excogitée: aussi que le soldat prefere la licence sans payement, à vne solde ordinaire. Se retirans communément (quant on la menacé de discipline) au party cōtraire, ou apres il combat en desesperé, de peur de tomber au pouuoir de ceux qu'il a of-fencez.

De sorte que tous conquerans en guerre ciuille permittans la licence, n'ont iamais faute d'hommes, & exploitent plus en vn iour par menées, pratiques, & intelligence, qu'on ne fait sur eux en vn an. Tellement que de ceste licence s'ensuit tout

desordre. Les œuures pies vont à mespris, l'Atheisme & les Libertins pullulent la iustice, le commerce, & le labour cessent.

Qu'a apporté en ce Royaume ceste derniere émotion, que mal sur mal? Car au lieu de diminuer la force des Huguenots, elle la accrue & fomentée pour le moins de la moitié, à l'occasion de la meslange des affaires d'estat, avec ceux de la Religion. De façon qu'aujourdhuy il est plus difficile de les subiuguer qu'auparauant, & puis que ces corneurs & trompettes de guerre, considerent la l'arme à l'œil, le pauvre peuple reduit en diuers lieux, à viure de racines, & la generalle peste & famine qui le surmonte de tous costez, avecque toute decadence & ruine des pauvres artisans par faute de besongne dans les villes.

Pour abreger: que ces seditieux (qui n'ont la veue plus longue que le nez, & qui sans cesse escriuent ou preschent publiquement mil iniures & inuectiues contre le Roy, & son bon conseil, pour ce qu'on voit bien qu'ils aspirent à la paix, & la desirerent, ou qui veulent blâmer les Ecclesiastiques & Catholiques, retenus volontairement & viuans vnaniment avec les Huguenots, & qui ne raschoyent d'ailleurs, que par tous artifices & moyes possibles, d'allumer le feu, au lieu d'aider à l'esteindre, animans de plus en plus les Princes & les grands, les vns contre les autres) se representent qu'il y a aujourdhuy en ce Royaume, de part ou d'autre, plus de douze cens compagnies, de gens de pied, & deux cens cinquante de gens de cheual,

tant des ordonnances, cheuaux legers, que harquebuziers à cheual, outre les estrangers entretenus de part ou d'autre, à la foule & sur charge du peuple, tant en la campagne, que dās les garnisons, & que tant que la guerre durera, il est impossible de faire autrement. Tellement qu'il faut tirer tous les mois de la bourse du Roy, ou de la contribution, forcée de ses pauvres subiets, pour l'entretien desdites forces, plus d'un million d'or: sans les degats & excez, qui surpassent cela. Qui reuiuent à plus de douze millions d'or l'année, & toutesfois ils se persuadent, qu'aucc douze cens mille escus octroyez par le clergé, pour la poursuite de ceste guerre, que le Roy en pourra venir à bout, bien que ces douze cens mille escus en fin de compte, se trouueront reduits aux deux tiers, pour les non valloirs, à cause des lieux occupez, ou ceux qui y commandent, ne faudront de prendre leur portion de c'est octroy, ou d'empescher les Ecclesiastiques estant parmy eux d'y contribuer.

S'ils se persuadent quelque grand secours du Pape, & des Princes Chrestiens, Catholiques, ils se trompent pour diuerses raisons, singulierement pour ce qu'en ceste querelle, toute la Chrestienté se voit my-partie, De sorte que la petite force des Allemans Catholiques, sera tousiours opposée, & contrepesée, par la quatriesme partie des autres Allemans protestās, interessés en ce fait. Le reste de leurs puissances ne seront espargnez, au secours de leurs confederés. Les forces du Roy d'Espagne seront tousiours opposées, & retenues par les An-

glois, & Escossois, & par la deffiance continuelle, ou il est d'une reuolte en Portugal, & en ses estats d'Italie, ou de la voisuance du Turc, & des Affricains. Ioint que la pluspart de ses subiets d'Espagne, sont Mores ou Marans, qui ne se soucient nullement de combattre pour la Religion Chrestienne, & puis il est à comparer à vn riche mal aisé. Car encores qu'il soit grand Terrien: il a ses estats séparés, loing les vns des autres. Pour la garde & defence desquels il luy conuient ordinairement soudoyer, plus de cent cinquante mil hommes, tant en Espagne, Portugal, Affrique, és Essoires, aux Canaries, à Madere, à Maiorque, Minorque, Sardaigne, Sicille, Naples, Millan, en la Toscane, en la Bourgongne, & en pays bas, & puis enuiron cent cinquante galleres. Ce qu'estant distrait de ses finances, le reste est si court qu'il a assez à faire d'en entretenir sa maison, & ses pensionnaires qui ne sont en petit nombre. L'on sçait bien que les Indes ne luy apportent pas tant de commoditez la moitié qu'elles souloyent, & qu'il en aura encores moins à l'aduenir, à cause de la visite de l'Admiral Drak Anglois, qui sçait maintenant le chemin par ou y aller, & en reuenir. Et s'il a fourny quelques deniers à la ligue Catholique, ou qu'il leur ait promis quelque chose d'auantage, il se faut asseurer que ce n'est, ny pour affection qu'il ait à sa Religion, ny pour bien qu'il vucille aux françois Catholiques. Mais seulement pour l'enuie qu'il a d'aider à ruiner la maison de France, & de Bourbon, de laquelle il prenoist vn de ces matins vne

grand foule sur ses estats, pour la pretention iuste du Royaume de Nauarre, & de celuy de Portugal qu'iniustement il occupe cōme vsurpateur. Jeantmoins sans nul doute, toute sa fourniture & contribution, se trouuera peu de chose & accompagnée de plus de paroles que d'effet. Attendant que la cōtrebande des François soit bien formée, pour puis apres les laisser entre-creuer les yeux, & tasche à s'establi le mieux qu'il pourra sur sa vieillesse, & de laisser à son fils qui est ieune, tous moyens possibles de se defendre apres luy, des troubles qu'apparemmēt commencent à succomber en ses estats, pour la Religion, & pour les subsides excessifs, qu'il leue sur ses subiets.

Quant au Pape l'on sçait bien, que son predecesseur à esté si bon mesnager, qu'il à plus songé à aggrandir son fils, & à luy faire faire beau ieu & belle despence, que de remplir le tresor de l'Eglise. De sorte que cestuy-cy, ny à trouué que le nid. Que il faut auant toute cœure fournir de quelques oyseaux, pour subuenir a quelques necessitez domestiques & voisines, plustost que songer aux choses loingtaines. Aussi est il pauvre & suiuant la louable coustume des Papes, il faut qu'il enrichisse les siens, & recompense particulieremēt ceux ausquels il est obligé de son eslection. Ainsi ne se peut il guerres esperer de secours de luy, qu'en parchemin. Ioint que le Conté d'Auignon, & les places fortes d'Italie, avec l'entretienement & solde ordinaire de ses gardes, & les estats & pensions de ses Nōces, de tous costez ne luy coustent gueres moins,

de huit cens mille escus, par an tellement que le reste de son reuenu est peu de chose.

Quant au Duc de Toscane, il voudroit que les François, & Espagnols, fussent si bas de poil & de forces, qu'il peut retirer ses forteresses que l'Espagnol luy garde, & se faire voye à la Royauté d'Italie.

Quant aux Veniciens, ils ne se meslent que de bien garder & accroistre leur estat, & sont si sages qu'ils ne mettent, ny souffrent mettre, la Religion en dispute, ny qu'aucun soit inquieté, ny recherché de la conscience, pourueu qu'il ne soit seditieux ny scandaleux.

Quant au Duc de Ferrare, la ialousie qu'il a de ses puissans voisins, le fait tenir bride en main & conseruer ses tresors, pour leur faire teste au besoing. Aussi est il Prince si aduisé, que mal aisément s'embarquera il en chose qui puisse apporter dissipation en la couronne de France. De laquelle la protection, & conseruation de son petit estat depend.

Quant aux Geneuois, leurs diuisions domestiques & intestines sont telles qu'ils ont assez à faire a se contregarder, & neantmoins diuertir que l'Espagnol ne leur mette le pied sur la gorge.

Quant au Duc de Mantouë, & celuy d'Vrbir, il sont Princes si Prudens, qu'ils songent plustost avec leur peu de reuenu, de se conseruer que d'entreprendre rien, pour vns, ny pour autres. Mesmes celuy de Mantouë, à beaucoup d'affaires sur ses bras. Et le Duc de Sauoye si voisin, avec sa preten-tion sur le Montferrat, que cela est suffisant pour

le tenit en office.

Pour le regard du Duc de Sauoye, encores qu'il soit gendre du Roy d'Espaigne, grand Prince & grand terrien, il a tant de voisins qui luy peuuent nuire, & entamer ce qu'il a de paisible qu'il est a croire, quoy qu'on die, ou que l'on pense de luy, qu'il ne sera si mal conseillé, de lancer ses puissances à aucun effet ouuertemēt, & qu'il ne voye plustost son aduantage, sur le succombement de quelque party. Car s'il se mesle de nuire à ceux de la Religion pretendue, il a pres de luy les Suisses protestans, qui ne le souffriront nullemēt. Les Prouenceaux & Daulphinois, avec ses propre subiets des vallées d'Angroigne, qui peuuent dans vingt quatre heures, luy faire telle playe, dans le piedmont, qu'il ne la sçauoit guerir de dix ans. Mais selon le iugement de ceux qui sçauent quel conseil il a, & cōme il se comporte avec les Daulphinois & Prouenceaux, il ne fant attendre de luy en ceste querelle, qu'une apparence sans effet, pour payer d'ostentation, l'affection du Pape, & du Roy d'Espaigne son beau pere. Aussi est-ce la sagesse principale, qui se peut remarquer en vn Prince, de sçauoir bien patienter, dissimuler & garder plustost le certain, que courre hazardeusement à l'incertain.

Or pour retourner doncques sur le discours de la guerre ciuille, il se faut resoudre qu'il y a tant d'incertitude en ceux qui la menent, & conduisent, qu'elle est subiette a tant de diuers accidens, & qu'elle engendre tant d'afflictions, & calamités, sans respect d'age, de qualité, ny de sexe qu'il faut
par

par necessité luy opposer son contraire, que c'est la Paix, plaine de biens & commoditez & de tous benefices, au lieu de toutes ces dissolutions.

Qu'il soit ainsi par la Paix, le clergé sera reintegré en villes, & lieux d'où il est chassé, avec restitution de ses biens & facultez, & en toute liberté sur l'administration des choses diuines, ce qu'il ne peut esperer par la force des hommes.

La Noblesse & autres subiets du Roy, alienés de l'ordre Regal, par l'iniure du temps, pour entrer en lignes & partialitez, congnoistront avec l'assistance de la Paix, que c'est leur totale ruine & confusion, & tous vnanimemens, s'ils sont sages, considereront qu'ils sont François naturels, deffenseurs de ceste couronne. Et que tous pretextes partiiaux, quels qu'ils puissent estre contre l'ordre du Prince, & de l'estat couuent l'entiere subuersion d'iceluy, cōsequemmēt la leur, & de tous bons ordres. Mais que les differens quant au fait de la Religion, se doiuent vider avecq' cognoissance de cause, & sans effusion de sang, comme de tout temps il en a esté vsé sur autant, & plus praignans chismes, que ceux qui ont cours à present : & quant à tous debars pour l'estat, ils doiuent laisser viure le Roy paisiblement, sans luy boureller l'esprit sur les choses futures, ny le vouloir despouiller auant que de se coucher attendant ce que la ieunesse avec la grace de Dieu, nous pourra donner de posterité. Et quand bien Dieu nous oublieroit de tant, que de nous en priuier sans posterité: Cest pure folie que

de mettre sa succession en doute, ny compromis. Car par les loix de la couronne, l'on sçait à qui elle doit appartenir legitiment. Aussi que c'est Dieu qui affermist ou transporte les Royaumes: qui fait ou desfait les Rois: qui les dōne bons ou mauuais: & qui tient leur cœur en sa main. De façon que si la succession de ceste couronne vient à tomber és mains de quelqu'vn qui soit errant: Dieu est assez fort pour luy faire cognoistre la verité, ou le renuerſer, s'il est pertinax contre icelle, sans qu'il soit de beſoing, que autre que luy s'en meſſe, ce pendāt sur tel ſubiet, il n'est conuenable aux ſubiets de ceste couronne de la deſmembre. Ains la conſeruer pour celuy à qui il plaira a Dieu, par legitime ſucceſſion la commettre en adminiſtratiō, laquelle n'est ſi abſolue à nos Rois, qu'ils ne ſoyēt reſtraints à toutes choſes raiſonnables, par l'aduiſ & delibération des eſtats de la couronne, Pairs, & officiers d'icelle, leſquels neceſſité aduenant, ne ſeront, ny pourront eſtre reſuſans dy apporter, ce qu'ils deuront pour le bien & vtilité publique.

En oppoſite, de ce que la guerre ciuille, par la licence qui l'accompagne, engendre tout meſpris de la pieté, avecques l'Atheiſme: la Paix accompagnée de iuſtice, imprime au cœur des hommes, la crainte de Dieu & du Magiſtrat, les retenans ſi bien en office, qu'ils n'oſent ſe diſpenſer au preiudice des loix diuines & humaines. Ainſi ſe peut aſſeurer que la Paix eſt l'extermination de toute hereſie, & de deſordre, & quelque Religion qu'on puiſſe inuen-

ter, la vraye & pure sera tousiours cognue & fleurissante, sans que pour la maintenir & accroistre il y conuienne autre chose, que le deuoir spirituel. Duquel les pasteurs vsans purement, toutes sectes heretiques, se réuerferont d'elles mesmes. Ny ayât si despourueu de sens, qui ne cognoisse bien que tant de diuerses sectes courans en la Chrestienté, ne soyent subiettes, ou les vnes, ou les autres à extermination. Car en fin, il faudra estre tout Catholique, ou tout Caluiniste, ou tout Zuingliste Lutherien, Vrieliuiste, Adiaphoriste, Vbiquitaire, Brocardiste, Annabaptiste, Prophete, Celeste adamite, Nicolaite, ou Tomitaire, & que par la determination d'un saint & libre Concile, ou le saint Esprit preside, comme docteur de l'Eglise, la vraye & pure doctrine soit cognue & receue.

Par la Paix, le Roy deschargera son esprit, de tât de traualx, & combustions, qui le font vieillir & empeschent d'auoir posterité, il iouïra paisiblement & allaigrement de son Royaume, il recouvrera ses villes sans vser de force, & rentrera en plaine iouissance de ses receptes generales, en partie occupées, & en partie reduites à non valloirs, accusé de la foudre & ruine du peuple.

Par la Paix, toutes ligues, vnions, & confederations seront aneanties, le Royaume remis en la splendeur & formidabilité, à la terreur & confusion de ses voisins, & nul ne se pourra cy apres autoriser, en façon que ce soit, que sous l'auctorité & commandement de sa Maiesté.

Par la Paix, la iustice sera réauctorisée, & par l'administration d'icelle, le Roy sera craint & mieux obey avec la seule verge d'un Sergent, qu'avec la force d'une armée, & ses pauvres suiets soulagez des troubles qui les oppressent. Les Marchands trafiqueront, les laboureurs demeureront libres en leurs campagnes, sans doute d'estre plus vollez, ny saccagez, & generallyment tous arts liberaux & mecaniques, se releueront & mettront en lumiere plus que iamais.

Par la Paix, le Roy pourra par ses edicts & ordonnances, sans attendre la longueur de l'assemblée d'un Concile, qui sera pleine de difficultez, re-stablir tous bons ordres en son Royaume, principalement prouuoir à la reformation & reiglement du clergé. Tant sur la suffisance & capacité requise en eux, que sur la pluralité des benefices, sur leurs residence, & administration, sur les abus des Custodinos, des gradus nommez, & simples, & des vniuersitez qui les nomment, sur les mandats, preuentions Papales, deuoluts, sur les Pompes, auarice, aumosnes, sur les escolles & erudition des enfans, sur les lecteurs des Theologaux, dās les chap-pes, sur les symonies, auiourdhuy publiques & vulgaires en ce Royaume, & autres poincts, requerans correction en tous ordres Ecclesiastiques, desquels s'est fait ouuerture en la bergerie; a ceux qui s'y sont introduits, & qui ont descouuert tant d'abus, par l'annatomie d'iceux. Que du moindre iusques au plus grand, chacun ne cesse de crier apres ceste

reformation & reiglement, (bien que la pluspart du clergé n'en vueille ouyr parler) estimans toutes gens de bien, que c'est sa singuliere voye, que on peut prendre pour remettre la vertu avec la crainte de Dieu, & les saintes lettres en vigueur. Voire par ce seul moyen, l'on pourra (moyennant la bonne vie & exemple des Ecclesiastiques) se reunir sans beaucoup de difficulté. C'est partant le seul moyé d'appaiser l'ire de Dieu, & de remettre les deuoyez contre la doctrine, & la Paix: & non les armes, desquelles il ne se peut esperer aucun auancement de sa gloire. Et toutes les circonstances de la guerre ciuille en somme, sont si perilleuses & tant à craindre, quelles doiuent esguillonner l'esprit de sa Maiesté de recherche tous moyens possibles de pacifier son Royaume, preuenant ce que l'insolence des armes, par vne victoire ou autrement, peut accidentellement couuer de pernicieux au cœur des hommes à son preiudice. Car il ny a rien de si chatouilleux que l'ambition, qui avec la force, se donne carriere sans arrest: chose qu'à toute heure sa Maiesté, s'il luy plaist, doit bien considerer, mesmes que ce commencement d'orage, n'est du tout rien, au regard de ce qui se verra, si les estrangers entrét en ce Royaume, parce qu'alors, sans doute, mille desseings inopinez, se descouuriront, & executeront, & ne s'entendra de tous costez que surprises de places, & des exploicts si estranges, qu'il sera du tout impossible d'y remedier, par Paix ou autrement. Car chacun se fondera sur la loy de (qui te-

net, teneat: possessio valer.)

Si la reformation du clergé est necessaire: celle de la iustice, & ces finances l'est encores plus. Mais n'estant à propos d'en parler plus auant pour ceste heure, il faut retourner chercher la Paix, pour ce que necessairement il conuient qu'elle precede, & ouure chemin à tout autre bon effect.

La maiesté doncques, s'il luy plait, doit imaginer tous expedien possibles de la faire promptement, auant que les estrangers entrent en son Royaume, & qu'ils donnent a nouveau fait, nouuel aduis, se resoluant, apres qu'elle sera faicte, de bien chastier ceux qui la troubleront & y contreuiendront comme il luy sera facile, d'autant qu'il ne leur restera force publique, excuse, ny pretexte vallable, au preiudice d'un tel bien publicq, tant desiré vniuersellemēt de ses subiets. Que sans doute oublians, au moyen d'iceluy, le mal de la guerre, ils feront par leurs prieres & benedictions, regner heureusement & longuement sa maiesté: Estant la voix du peuple, celle de Dieu, & diront avec Dauid (Benedictus Deus qui dedit hanc voluntatem in cor Regis.) Auec ce, se banderont de telle furie contre tous y reptignans, que la terre leur deffaudra sous les pieds.

Pour y paruenir, les moyens, & expedien en seront ouuerts, & facilitez à sa maiesté secretement, & quand il luy plaira, à son contentement, honneur, & reputation: & des Princes & Seigneurs qui v ont le plus d'interest apres luy, ce qui se fera par

vne autre voye que en ce discours. Priant Dieu cependant qu'il soit agreable à sa maiesté, & qu'il puisse rendre l'autheur d'iceluy si heureux, que sur la consideration des choses y contenues, la gloire de Dieu, & la Paix soit de tant plus desirée & auancée par sa maiesté, la Royne sa mere, & Messeigneurs de son Conseil.

F I N.

